

Ritornu

In fine grazia à Diu
Rivecu u campanile
Chi un ghjornu aghju lasciatu
Una mane d'aprile.

Zitellu sò pertutu,
Ritornu capu biancu,
Vengu à circa riposu
Perchè oghje sò stancu.

O campane silenziu !
N'un rumpite stu sognu
Chè l'esiliatu passa
Circhendu un testimoniu
Vole ascoltà dinò,
U cantu di l'acellu,
E pò rifà li passi
E pò rifà li passi
Di l'anzianu zitellu.

Qui, in e lu campu santu
Sott'à a filetta serena,
Dormenu li mei
Dopu tamanta pena.

Mi dicu capu bassu
Passendu pianu pianu :
« Sò morti guasi soli,
Quandu era luntanu. »

O campane silenziu !
N'un rumpite u mio sognu
Chè l'esiliatu passa
Circhendu un testimoniu
Vole ascoltà dinò,
U cantu di l'acellu,

E pò rifà li passi
E pò rifà li passi
Di l'anzianu zitellu.

Tony Toga